

ENAKMEN TATACARA MAL MAHKAMAH SYARIAH  
(NEGERI PULAU PINANG) 2004

KAEDAH-KAEDAH TATACARA MAL MAHKAMAH SYARIAH  
(PENJALANAN MAHKAMAH SYARIAH MELALUI TEKNOLOGI KOMUNIKASI JARAK  
JAUH) (NEGERI PULAU PINANG) 2021

---

SUSUNAN KAEDAH-KAEDAH

---

BAHAGIAN I  
PERMULAAN

Kaedah

1. Nama dan permulaan kuat kuasa
2. Tafsiran

BAHAGIAN II  
PEMAKAIAN

3. Pemakaian
4. Arahan oleh Mahkamah atau Pendaftar
5. Arahan Amalan Ketua Hakim Syarie
6. Kes yang dibenarkan pendengaran
7. Tatacara permohonan
8. Tempat prosiding
9. Kehadiran orang, saksi atau banduan sebagai saksi atau pihak melalui teknologi komunikasi jarak jauh
10. Penyiaran awam prosiding dan rakaman
11. Kuasa untuk membatalkan arahan

Kaedah

12. Penghakiman

JADUAL

ENAKMEN TATACARA MAL MAHKAMAH SYARIAH  
(NEGERI PULAU PINANG) 2004

KAEDAH-KAEDAH TATACARA MAL MAHKAMAH SYARIAH  
(PENJALANAN MAHKAMAH SYARIAH MELALUI TEKNOLOGI KOMUNIKASI JARAK  
JAUH) (NEGERI PULAU PINANG) 2021

PADA menjalankan kuasa yang diberikan oleh perenggan 247(1)(e) Enakmen Tatacara Mal Mahkamah Syariah (Negeri Pulau Pinang) 2004 [*Enakmen 4*], Jawatankuasa Kaedah-Kaedah Mahkamah Syariah membuat kaedah-kaedah yang berikut:

BAHAGIAN I  
PERMULAAN

**Nama dan permulaan kuat kuasa**

1. (1) Kaedah-kaedah ini bolehlah dinamakan **Kaedah-Kaedah Tatacara Mal Mahkamah Syariah (Penjalanan Mahkamah Syariah Melalui Teknologi Komunikasi Jarak Jauh) (Negeri Pulau Pinang) 2021**.

(2) Kaedah-Kaedah ini hendaklah mula berkuat kuasa pada 1 Februari 2021.

**Tafsiran**

2. Dalam Kaedah-Kaedah ini, melainkan jika konteks menghendaki makna yang lain—

“Arahan Amalan” ertinya apa-apa arahan yang ditetapkan dalam kaedah 5;

“Borang” ertinya suatu borang yang ditetapkan dalam Jadual;

“Enakmen” ertinya Enakmen Tatacara Mal Mahkamah Syariah (Negeri Pulau Pinang) 2004 [*Enakmen 4*];

“Enakmen Pentadbiran” ertinya Enakmen Pentadbiran Agama Islam (Negeri Pulau Pinang) 2004 [*Enakmen 2*];

“hadir” termasuklah kehadiran oleh mana-mana orang dengan menggunakan peranti elektronik, mekanikal atau cara lain yang dibenarkan oleh Mahkamah;

“Ketua Hakim Syarie” mempunyai maksud yang sama yang diberikan di bawah seksyen 56 Enakmen Pentadbiran;

“Mahkamah” atau “Mahkamah Syariah” ertinya Mahkamah Rayuan Syariah, Mahkamah Tinggi Syariah atau Mahkamah Rendah Syariah, mengikut mana-mana yang berkenaan yang ditubuhkan di bawah subseksyen 55(1) atau 55(2) atau 55(3) Enakmen Pentadbiran;

“prosiding” ertinya apa-apa prosiding, termasuk prosiding melalui teknologi komunikasi jarak jauh, sama ada dalam Mahkamah terbuka atau dalam Kamar, dan termasuklah suatu permohonan pada mana-mana peringkat prosiding yang disifatkan telah bermula apabila tindakan difailkan; dan

“teknologi komunikasi jarak jauh” ertinya suatu rangkaian video secara langsung, rangkaian televisyen secara langsung atau apa-apa cara komunikasi elektronik yang lain.

## BAHAGIAN II PEMAKAIAN

### **Pemakaian**

3. Kaedah-Kaedah ini hendaklah terpakai bagi mana-mana prosiding Mahkamah yang

dijalankan melalui teknologi komunikasi jarak jauh.

### **Arahan oleh Mahkamah atau Pendaftar**

4. (1) Mahkamah atau Pendaftar boleh, tertakluk kepada Arahan Amalan yang dikeluarkan di bawah kaedah 5, mengarahkan apa-apa kausa atau perkara di bawah Kaedah-Kaedah ini didengar atau mana-mana prosiding dijalankan melalui teknologi komunikasi jarak jauh sebagaimana yang diluluskan oleh Mahkamah.

(2) Kuasa yang diberikan kepada Mahkamah atau Pendaftar dalam subkaedah (1) boleh dijalankan atas usulnya sendiri atau atas permohonan yang dibuat oleh mana-mana pihak kepada suatu prosiding.

(3) Jika suatu prosiding dibuat di bawah subkaedah (2), Mahkamah atau Pendaftar boleh memberikan arahan tentang perjalanan lanjut prosiding itu berhubung dengan kausa atau perkara itu.

### **Arahan Amalan Ketua Hakim Syarie**

5. Bagi maksud Kaedah-Kaedah ini, Ketua Hakim Syarie boleh mengeluarkan Arahan Amalan jika dia berpendapat bahawa hal keadaan mewajarkan dan adalah perlu demi—

- (a) kepentingan pelaksanaan keadilan;
- (b) kesejahteraan awam;
- (c) keselamatan awam;
- (d) kesihatan atau kesusilaan awam; atau
- (e) bagi sebab lain yang mencukupi untuk berbuat demikian.

## **Kes yang dibenarkan pendengaran**

6. Pendengaran secara teknologi komunikasi jarak jauh hendaklah dibenarkan bagi kes yang dimulakan melalui saman atau permohonan atau bagi mana-mana kes di peringkat rayuan.

## **Tatacara permohonan**

7. (1) Permohonan bagi pengendalian prosiding secara teknologi komunikasi jarak jauh hendaklah dibuat oleh pemohon menggunakan Borang KJJ1 dan hendaklah difailkan kepada Mahkamah.

(2) Bagi maksud subkaedah (1), pemohon hendaklah membuat salinan Borang KJJ1 dan salinan borang itu hendaklah disampaikan kepada responden bagi kes itu.

(3) Selepas menerima salinan Borang KJJ1 itu, responden hendaklah mengisi Borang KJJ2 bagi menyatakan persetujuan atau bantahan terhadap permohonan itu.

(4) Bagi maksud subkaedah (3), responden hendaklah dalam tempoh tujuh hari dari tarikh salinan Borang KJJ1 diterima menfailkan Borang KJJ2 kepada Mahkamah dan salinan Borang KJJ2 itu hendaklah disampaikan kepada pemohon.

(5) Mahkamah hendaklah, setelah mempertimbangkan permohonan yang dibuat di bawah kaedah ini, mengeluarkan perintah yang sewajarnya dan suatu notis mengikut borang KJJ3 hendaklah dikeluarkan.

## **Tempat prosiding**

8. (1) Tempat prosiding hendaklah di bawah bidangkuasa Mahkamah yang menjalankan prosiding itu.

(2) Bagi maksud Kaedah-Kaedah ini, hakim hendaklah mengendalikan prosiding di

suatu tempat rasmi menurut bidang kuasa Mahkamah itu, dan kehadiran pihak-pihak melalui teknologi komunikasi jarak jauh, hendaklah dengan berada di tempat masing-masing yang mempunyai akses masa sebenar yang membolehkan prosiding itu dibuat secara langsung di kedudukan masing-masing yang boleh diakses oleh hakim itu.

**Kehadiran orang, saksi atau banduan sebagai saksi atau pihak melalui teknologi komunikasi jarak jauh**

9. (1) Bagi maksud kaedah 8, berhubung dengan kehadiran mana-mana orang, saksi atau banduan sebagai saksi atau pihak dalam mana-mana prosiding atau keterangan yang diberikan secara sendiri, Mahkamah atau Pendaftar boleh setelah berpuas hati bahawa semua syarat yang dinyatakan dalam subkaedah (2) dipenuhi, mengarahkan orang, saksi atau banduan sebagai saksi atau pihak itu—

- (a) untuk hadir (selainnya memberikan keterangan), dalam prosiding itu, secara teknologi komunikasi jarak jauh, atau
- (b) untuk memberikan keterangan melalui teknologi komunikasi jarak jauh.

(2) Syarat yang disebut dalam subkaedah (1) adalah seperti berikut:

- (a) dalam hal seseorang, untuk hadir semasa tempoh yang dinyatakan dan daripada suatu tempat yang dinyatakan oleh Mahkamah atau Pendaftar menggunakan teknologi komunikasi jarak jauh;
- (b) hal seorang saksi, untuk memberikan keterangan dalam tempoh yang dinyatakan dan daripada suatu tempat yang dinyatakan oleh Mahkamah atau Pendaftar menggunakan teknologi komunikasi jarak jauh;
- (c) dalam hal seorang banduan sebagai saksi atau pihak, untuk hadir atau memberikan keterangan semasa tempoh yang dinyatakan dan daripada suatu tempat yang dinyatakan oleh Mahkamah atau Pendaftar

menggunakan teknologi komunikasi jarak jauh, dengan syarat bahawa—

- (i) dia seorang saksi atau suatu pihak; dan
  - (ii) pihak-pihak dan Pegawai yang Menjaga yang disebut di bawah Akta Penjara [Akta 537] bersetuju untuk menggunakan teknologi komunikasi jarak jauh; dan
- (d) Mahkamah atau Pendaftar berpuas hati bahawa terdapat kemudahan pentadbiran dan teknikal yang mencukupi dan pengaturan dibuat di tempat yang orang, saksi atau banduan sebagai saksi atau pihak itu akan hadir atau memberikan keterangan.

(3) Kehadiran dan keterangan yang diberikan melalui teknologi komunikasi jarak jauh dalam mana-mana prosiding mengikut arahan Mahkamah atau Pendaftar di bawah subkaedah (1) boleh dikira sebagai kehadiran dan keterangan yang diberikan secara sendiri dalam prosiding itu dan menjadi sebahagian daripada rekod prosiding bagi Mahkamah itu atau di hadapan Pendaftar.

### **Penyiaran awam prosiding dan rakaman**

10. (1) Sekiranya Mahkamah atau Pendaftar mengarahkan bahawa prosiding hendaklah dijalankan sepenuhnya melalui suatu teknologi komunikasi jarak jauh, Mahkamah atau Pendaftar boleh mengarahkan bahawa—

- (a) prosiding itu hendaklah disiarkan (mengikut cara yang dinyatakan dalam arahan) bagi maksud membolehkan orang awam melihat dan mendengar prosiding itu; atau
- (b) suatu rakaman prosiding itu hendaklah dibuat (mengikut cara yang dinyatakan dalam arahan) bagi maksud membolehkan Mahkamah atau Pendaftar untuk menyimpan suatu rekod audio-visual prosiding itu.

(2) Apa-apa rakaman prosiding yang dibuat oleh Mahkamah di bawah kaedah ini hendaklah disifatkan sebagai rekod rasmi Mahkamah.

(3) Suatu arahan di bawah kaedah ini boleh dibuat yang berhubungan dengan keseluruhan atau sebahagian prosiding yang berkenaan.

### **Kuasa untuk membatalkan arahan**

11. Mahkamah atau Pendaftar boleh membatalkan, menggantung atau mengubah arahan yang dibuat di bawah kaedah 4 sekiranya—

- (a) teknologi komunikasi jarak jauh itu berhenti berfungsi dan ia akan menyebabkan kelewatan yang tidak munasabah untuk menunggu sehingga sistem berfungsi boleh didapati;
- (b) ia perlu untuk Mahkamah atau Pendaftar berbuat demikian untuk mematuhi tanggungjawabnya bagi memastikan bahawa prosiding dijalankan secara adil kepada pihak-pihak dalam prosiding;
- (c) telah berlakunya suatu perubahan material dalam hal keadaan selepas Mahkamah atau Pendaftar telah membuat sesuatu perintah; atau
- (d) ia perlu demi kepentingan keadilan untuk berbuat demikian.

### **Penghakiman**

12. (1) Seksyen 130 Enakmen hendaklah terpakai kepada setiap penghakiman atau perintah yang diumumkan atau diberikan dalam prosiding yang diadakan melalui suatu teknologi komunikasi jarak jauh.

- (2) Jika penghakiman atau perintah diumumkan atau diberikan dalam prosiding

yang diadakan melalui suatu teknologi komunikasi jarak jauh, fakta itu hendaklah digambarkan dalam penghakiman atau perintah itu.

(3) Tertakluk kepada kaedah 8, apa-apa penghakiman atau perintah yang diumumkan melalui suatu teknologi jarak jauh hendaklah disifatkan diterima oleh pihak-pihak secara sendiri.

(4) Walau apapun kaedah ini, penghakiman atau perintah boleh disampaikan melalui apa-apa cara lain yang dipersetujui oleh pihak-pihak.

JADUAL

KAEDAH-KAEDAH TATACARA MAL MAHKAMAH SYARIAH  
(PENJALANAN MAHKAMAH SYARIAH MELALUI TEKNOLOGI KOMUNIKASI JARAK  
JAUH)  
(NEGERI PULAU PINANG) 2021

Borang KJJ1  
[Subkaedah 7(1)]

DALAM MAHKAMAH RAYUAN/TINGGI/RENDAH  
SYARIAH.....  
DI .....

PERMOHONAN NO.:..... TAHUN 20.....

ANTARA

.....  
(K/P:.....)

... PEMOHON

DENGAN

.....  
(K/P:.....)

... RESPONDEN

PERMOHONAN MENJALANKAN PROSIDING MAHKAMAH MELALUI TEKNOLOGI  
KOMUNIKASI JARAK JAUH

1. Saya ..... No. K/P.....adalah Pemohon di dalam kes ini.

2. Saya memohon kepada mahkamah yang mulia agar prosiding kes ini dijalankan melalui teknologi komunikasi jarak jauh kerana:

2.1 .....

.....

.....

.....

2.2 .....

.....

.....

.....

Bertarikh:

.....

Pemohon

KAEDAH-KAEDAH TATACARA *MAL* MAHKAMAH SYARIAH  
(PENJALANAN MAHKAMAH SYARIAH MELALUI TEKNOLOGI KOMUNIKASI JARAK  
JAUH)  
(NEGERI PULAU PINANG) 2021

Borang KJJ2  
[Subkaedah 7(3)]

DALAM MAHKAMAH RAYUAN/TINGGI/RENDAH  
SYARIAH.....  
DI .....

PERMOHONAN NO.:..... TAHUN 20.....

ANTARA

.....  
(K/P:.....)

... PEMOHON

DENGAN

.....  
(K/P:.....)

... RESPONDEN

PERSETUJUAN/BANTAHAN KEPADA PERMOHONAN MENJALANKAN PROSIDING  
MAHKAMAH MELALUI TEKNOLOGI KOMUNIKASI JARAK JAUH

1. Saya ..... No. K/P.....adalah Responden di dalam kes ini.

2. Saya dengan ini menyatakan persetujuan/bantahan terhadap permohonan ini atas alasan-alasan berikut:

2.1 .....

.....

.....

.....

2.2 .....

.....

.....

.....

Bertarikh: .....

Responden

KAEDAH-KAEDAH TATACARA MAL MAHKAMAH SYARIAH  
(PENJALANAN MAHKAMAH SYARIAH MELALUI TEKNOLOGI KOMUNIKASI JARAK  
JAUH)  
(NEGERI PULAU PINANG) 2021

Borang KJJ3  
[Subkaedah 7 (5)]

DALAM MAHKAMAH RAYUAN/TINGGI/RENDAH  
SYARIAH.....  
DI .....

PERMOHONAN NO.: ..... TAHUN 20.....

ANTARA

.....

(K/P:.....)

... PEMOHON

DENGAN

.....

(K/P:.....)

... RESPONDEN

PERINTAH PERMOHONAN PROSIDING MELALUI TEKNOLOGI KOMUNIKASI JARAK  
JAUH

AMBIL PERHATIAN bahawa Pihak Pemohon telah membuat permohonan bagi menjalankan prosiding melalui teknologi komunikasi jarak jauh.

SETELAH meneliti permohonan Pemohon dan persetujuan/bantahan Responden, Mahkamah memerintahkan permohonan ini dibenarkan/ditolak.

NOTIS INI DIKELUARKAN di bawah Tandatangan dan Meterai Mahkamah pada..... .

Meterai

.....

Hakim/Pendaftar

Mahkamah

Rayuan/Tinggi/Rendah Syariah

Dibuat 29 Januari 2021

[JKSPP.600-1/1/11:PUUNPP 352/100/1/2/SUB/80]

MUHAMAD ABDUL KARIM BIN  
WAHAB  
*Pengerusi*  
*Jawatankuasa Kaedah-Kaedah*  
*Mahkamah Syariah Negeri Pulau*  
*Pinang*